

BOSNA I HERCEGOVINA
REPUBLIKA SRPSKA
SLOBOMIR P UNIVERZITET
SLOBOMIR, BIJELJINA



BOSNIA AND HERZEGOVINA
REPUBLIC OF SRPSKA
SLOBOMIR P UNIVERSITY
SLOBOMIR, BIJELJINA

Slobomir P Univerzitet, PF 70 Slobomir, 76 300 Bijeljina, Republika Srpska, Bosna i Hercegovina
Tel: +387 55 231 101, 231 152, +387 53 209 621, 209 620; Faks: +387 55 231 176, +387 53 209 622
www.spu.ba; info@spu.ba

KODEKS PONAŠANJA STUDENATA NA SLOBOMIR P UNIVERZITETU

Slobomir, juli 2011.

SADRŽAJ:

Preambula.....	3
Uvod.....	4
Prava studenata.....	4
Akademski integritet.....	5
Akademsko poštenje.....	5
Fizičke povrede i zlostavljanje.....	7
Uznemiravanje.....	7
Diskriminacija.....	7
Pušenje, alkohol, droga.....	7
Standardi ponašanja u prostorijama univerziteta.....	8
Sigurnost i zaštita lica i imovine univerziteta.....	8
Poštovanje pravila disciplinskog postupka.....	8
Pomaganje, podstrekivanje i pokušaj.....	9

Na osnovu čl. 26. stav 1. tačka 55. Statuta Slobomir P Univerziteta, na sjednici, održanoj dana 20.07.2011. godine Senat Slobomir P Univerziteta, usvaja sljedeći

KODEKS PONAŠANJA STUDENATA NA SLOBOMIR P UNIVERZITETU

PREAMBULA

Cilj i svrha postojanja Slobomir P Univerziteta je pružiti svakom studentu što je moguće bolje obrazovanje i stvoriti uslove za njihov intelektualni, lični, društveni i moralni razvoj. Svaki uspješni obrazovni proces pretpostavlja podsticanje slobodnog dijaloga, intelektualnog poštenja, otvorenosti prema konstruktivnim promjenama i poštovanje prava svih pojedinaca.

Kodeks ponašanja studenata Slobomir P Univerziteta je izrađen sa željom da se njegovim postojanjem unapredi ostvarivanje ovih ciljeva na Univerzitetu.

Od studenata Slobomir P Univerziteta se očekuje da se ponašaju kao odgovorni članovi univerzitetske zajednice poštujući propise Univerziteta, osnovna ljudska prava, lični integritet i dostojanstvo ljudske ličnosti, akademske slobode, načelo ravnopravnosti i pravičnosti, kao i da savjesno i profesionalno izvršavaju svoje obaveze.

Pojmovi upotrebljeni u ovom Kodeksu su:

1. „Univerzitet“ - Slobomir P Univerzitet odnosno sve zgrade, prostorije, zelene i betonske površine koje pripadaju Univerzitetu, kako u sjedištu, tako i u odjeljenju Univerziteta;
2. „univerzitetska zajednica“ - svi studenti, nastavnici, naučnici, saradnici, umjetnici, službenici i svi ostali angažovani oba pola, nezavisno od vrste i trajanja njihovog ugovora na osnovu kojeg ostvaruju prava i obaveze na Univerzitetu;
3. „akademska zajednica“ - sve osobe koje učestvuju u nastavi, naučnom istraživanju i mentorskim djelatnostima na Slobomir P Univerzitetu;
4. „nastavnik“ označava sve osobe oba pola koje održavaju nastavu na Univerzitetu bez obzira na nastavno, naučno ili institutsko zvanje i na vrstu ugovora na osnovu kojeg učestvuju u nastavi;
5. „student“ označava sve osobe oba pola koje su uključene u nastavni program na Slobomir P Univerzitetu, nezavisno od vrste i trajanja programa;

UVOD

Kodeks ponašanja studenata je skup normi ponašanja kojih su dužni pridržavati se svi studenti i studentske organizacije Slobomir P Univerziteta.

Studenti koji učine povredu normi ovog Kodeksa biće podvrgnuti disciplinskim sankcijama iz razloga zaštite prava ostalih članova univerzitetske zajednice, zaštite imovine i stabilnosti Univerziteta kao i radi uticaja na dalji lični razvoj studenta koji je učinio povredu.

Prava i obaveze propisane ovim Kodeksom imaju se primjenjivati na radnje i ponašanje studenata na prostoru koji posjeduje, koristi ili kontroliše Slobomir P Univerzitet, kao i na radnje i ponašanje studenata vezane uz predstavljanje ili zastupanje Univerziteta.

Organi odgovorni za sprovođenje i poštovanje Kodeksa ponašanja za studente Slobomir P Univerziteta su Komisija od tri člana imenova od strane dekana fakulteta i Senat Univerziteta.

Slobomir P Univerzitet će obezbjediti uslove kako bi se svi studenti upoznali sa sadržajem Kodeksa.

Ovaj Kodeks stupa na snagu osmog dana od dana objavljivanja na oglasnoj tabli Slobomir P Univerziteta.

PRAVA STUDENATA

Slobomir P Univerzitet podržava i štiti sljedeća prava studenata:

- 1) pravo na učešće u obrazovnom procesu;
- 2) pravo na slobodu iznošenja i razmjenu mišljenja i uvjerenja;
- 3) pravo na učešće u raspravama;
- 4) pravo na naučno istraživanje, objavljivanje i razmjenu rezultata istraživanja u mjeri u kojoj je to u skladu sa zakonima Republike Srpske odn. Bosne i Hercegovine i Slobomir P Univerziteta;
- 5) pravo na objektivan i pravedan postupak vrednovanja rezultata rada;
- 6) pravo na zaštitu od nasilja, prinude i prijetnji primjenom sile;
- 7) pravo na zaštitu od okolnosti koje su opasne po život, fizičko i psihičko zdravlje;
- 8) pravo na zaštitu od diskriminacije i uznemiravanja po osnovu religijske, etničke i nacionalne pripadnosti, rase, pola, polne orijentacije, imovinskog stanja, roditeljskog ili bračnog statusa, trudnoće, starosti, invalidnosti, fizičkog izgleda, političkog opredjeljenja i zdravstvenog stanja;
- 9) pravo slobodnog izbora načina ponašanja sve dok svojim ponašanjem ne krše zakone Republike Srpske odn. Bosne i Hercegovine i propise Univerziteta;
- 10) pravo na učestvovanje u mirnim, nenasilnim, prijavljenim protestima ili demonstracijama u mjeri u kojoj oni ne krše prava drugih članova univerzitetske zajednice;
- 11) pravo na zaštitu od bilo koje vrste nerazumnih, ilegalnih ili neovlašćenih ispitivanja ili istraživanja; ukoliko se radi o istražnom postupku ovlašćenih lica, potrebno je obavjestiti studenta protiv kojeg se vodi istražni postupak o toku postupka i o njihovim pravima;
- 12) pravo na primjenu jednakog i pravednog postupka utvrđivanja osnovanosti optužbi za povredu propisa Slobomir P Univerziteta;
- 13) pravo zadržavanja nepromjenjenog statusa, prava i privilegija članova univerzitetske zajednice tokom trajanja disciplinskog postupka, osim u

slučajevima u kojima predstavljaju prijetnju za sigurnost ostalih članova odn. za univerzitetsku imovinu;

14)pravo na zaštitu od traženja ličnih podataka koji nisu na opravdan način vezani uz obrazovni proces;

15)pravo izvještavanja od strane ovlašćenih lica o postojanju i opštem karakteru ličnih dosijea na Univerzitetu;

16)pravo uvida, na osnovu zahtjeva, u lični dosije; lični podaci o studentu se daju drugim licima na uvid samo ukoliko postoji zakonska i profesionalna obaveza da se ti podaci daju na uvid;

17)pravo na udruživanje sa drugim studentima;

18)pravo na izbor i uspostavljanje predstavničkih, demokratski organizovanih studentskih organizacija koje su odgovorne zajednici studenata i Univerzitetu;

19)pravo studentskih organizacija na zastupanje stava koji je donesen zakonitim postupkom odlučivanja u okviru studentske zajednice;

20)pravo studentskih organizacija na prijem kod ovlašćenih lica univerzitetske zajednice radi iznošenja stavova studenata koje zastupaju;

21)pravo na naknadu štete proistekle iz nemarnih, zlonamjernih ili neodgovornih postupaka bilo kojeg člana univerzitetske zajednice (npr.javno izvinjenje, naknadno pružanje mogućnosti prijave ili izvršenja radnje za koju je student nepravedno uskraćen isl.); način naknade i visina štete u slučaju materijalne štete uređuje se propisima Slobomir P Univerziteta i Republike Srpske, odn. Bosne i Hercegovine.

22)pravo na obavještanje o pravilima i propisima ponašanja na Slobomir P Univerzitetu.

AKADEMSKI INTEGRITET

Svi članovi akademske zajednice trebaju biti odgovorni za svoje riječi i postupke, primjenu istraživačkih metoda i postignute rezultate.

Imajući u vidu da su riječi i ideje vlasništvo individua, svako plagiranje, zloupotreba i drugi oblici prevara predstavljaju oblike akademskog nepoštenja i smatraju se povredom ovog Kodeksa.

AKADEMSKO POŠTENJE

Akademsko nepoštenje ugrožava kvalitet obrazovanja i obezvrjeđuje istinska dostignuća članova akademske zajednice.

Bilo koja vrsta prevare vezane za postupak prijavljivanja, ispitivanja ili druge vrste provjere znanja predstavlja povredu ovog Kodeksa, što uključuje ali nije ograničeno samo na sljedeće:

- pribavljanje, kopiranje, umnožavanje, upotreba ili namjera upotrebe ispitnog materijala bez dopuštenja ovlašćenih lica;
- pribavljanje, prenošenje, primanje, upotreba ili namjera upotrebe ispitnih rješenja;
- upotreba ili namjera upotrebe bilješki, podataka, računara ili drugih elektronskih sprava ili programa za vrijeme ispita ukoliko to nije izričito dozvoljeno;
- lažno predstavljanje i predstavljanje tuđeg rada kao ličnog;

- pomaganje prilikom provjere znanja kada se očekuje da student obavi zadatak samostalno;
- upotreba već ocjenjenih radova u cilju ponovnog ocjenjivanja na istoj ili drugoj provjeri znanja;
- mijenjanje ili namjera prepravljanja ocjene ili rezultata ispita odn. izvještaja sa ispita ili drugih oblika provjere znanja;
- namjerno uništavanje akademskog rada ili napora drugih studenata;
- Plagiranje i zloupotreba radova ili dijelova radova drugih lica, iznošenje ideja drugih lica kao vlastitih, bez znanja autora ili navođenja izvora;
- Proizvođenje, upotreba, zloupotreba, štampanje, reprodukcija, kopiranje, mijenjanje, premještanje ili uništavanje bilo kojeg akademskog materijala, univerzitetskog spisa, dokumenta ili identifikacione isprave bez dozvole ovlaštenih lica;
- Stvaranje situacija u kojima će drugi studenti biti nepravedno uskraćeni za akademska dobra ili u kojima student stvara nepoštenu akademsku prednost u odnosu na druge studente. Pod tim se, između ostalog, podrazumijeva:
 - izrada, zloupotreba, štampanje, reprodukcija, kopiranje, mijenjanje, premještanje ili uništavanje bilo kojeg univerzitetskog dokumenta sa namjerom prevare, dezinformacije ili uskraćivanja informacije drugom licu;
 - premještanje, skrivanje ili namjerno uskraćivanje knjiga ili drugog bibliotečkog materijala, naročito onog koji spada u obaveznu literaturu;
 - Uticanje ili pokušaj uticanja na nepristrasnost ocjenjivanja od strane nastavnika ili komisije smatra se povredom ovog Kodeksa;
 - Pristup u prostorije univerzitetske zajednice bez dopuštenja ovlaštenih osoba smatra se povredom ovog Kodeksa;
 - Javno zastupanje ili predstavljanje Univerziteta, bilo kog fakulteta ili akademije u sastavu Univerziteta bez odobrenja ovlaštenih lica predstavlja povredu ovog Kodeksa;
 - Javno iznošenje neprovjerenih ili netačnih podataka o drugim studentima i ostalim članovima univerzitetske zajednice;
 - Namjerno ometanje ili prekidanje nastave, istraživanja ili drugih akademskih aktivnosti;
 - Neovlašćeni pristup, krađa ili uništavanje intelektualnog vlasništva drugog lica pod kojim se podrazumijeva, ali nije ograničeno na sljedeće:
 - krađa i uništavanje knjiga, članaka, bilješki, podataka, eksperimenata, projekata isl.
 - ulaz u baze podataka i dokumentaciju službenika i drugih članova akademske zajednice sa namjerom da se pročitaju, kopiraju, upotrebe, pošalju ili izmjeni njihov sadržaj, bez dozvole ovlaštenog lica;
 - upotreba računara kako bi se sabotirao rad ili rezultati drugog studenta ili bilo kojeg člana univerzitetske zajednice;
 - uništavanje, demontiranje, mijenjanje ili onemogućavanje pristupa bazama podataka bez dozvole ovlaštenog lica;
 - umnožavanje ili upotreba logotipa, zaštitnog znaka ili pečata bilo kojeg fakulteta ili akademije odnosno Univerziteta bez ovlaštenja.

FIZIČE POVREDE I ZLOSTAVLJANJE

Bilo koja vrsta namjernog fizičkog povređivanja, zlostavljanja, uznemiravanja, ucjenjivanja, onemogućavanja, prijetnji, prisiljavanja, ponižavanja, zastrašivanja, izrugivanja, vrijeđanja ili slično, predstavlja povredu ovog Kodeksa.

UZNEMIRAVANJE

Uznemiravanjem se smatra svako neprimjereno ponašanje prema drugoj osobi kojim se povrijeđuje njeno dostojanstvo, ometa obavljanje radnih zadataka ili smanjuje kvalitet života osobe. Uznemiravanjem se smatra svaki postupak kojeg karakterizuje izostanak pristanka druge strane, a koji stvara ili doprinosi neugodnoj i neprijateljskoj radnoj atmosferi, koji drugu osobu zastrašuje, vrijeđa ili ponižava. Uznemiravanje može biti verbalno i fizičko ponašanje prema drugoj osobi utemeljeno na religijskoj, etničkoj i nacionalnoj osnovi, rasi, polu, polnoj orijentaciji, imovinskom stanju, radnom ili obrazovnom statusu, porodičnom ili bračnom statusu, trudnoći, starosti, invalidnosti, fizičkom izgledu, političkom opredjeljenju i zdravstvenom stanju.

Nije prihvatljivo seksualno uznemiravanje u obliku u kojem student uslovljava drugog studenta ispunjenjem neke vrste seksualnih zahtjeva ili usluga da bi mu zauzvrat omogućio pristup ili sudjelovanje u bilo kojoj vrsti aktivnosti na Univerzitetu.

DISKRIMINACIJA

Nije prihvatljivo bilo kakvo ponašanje ili propisi kojima se diskriminišu druga lica na osnovu religije, etničke i nacionalne pripadnosti, rase, pola, polne orijentacije, imovinskog stanja, radnog ili obrazovnog statusa, porodičnog ili bračnog statusa, trudnoće, starosti, invalidnosti, fizičkog izgleda, političkog opredjeljenja i zdravstvenog stanja.

Ova odredba nije suprotna praksi odabira odnosno selekcije koja je racionalna, dobronamjerna, neproizvoljna i koja se zasniva na profesionalnim i etičkim standardima (npr. student sa ispod-prosječnim uspjehom ne može imati iste povlastice kao student sa visokim prosjekom).

Ova odredba nije suprotna praksi slobodne i argumentovane rasprave o bilo kojoj temi, koja je zasnovana na toleranciji i poštovanju prava i sloboda drugog čovjeka.

PUŠENJE, ALKOHOL, DROGA

Povredom ovog Kodeksa smatraće se:

- pušenje u bilo kom dijelu Univerziteta i prostorijama u kojima nije na vidnom mjestu istaknut znak „Prostorija za pušače“;
- prodaja i konzumiranje alkoholnih pica u prostorijama Univerziteta odnosno površinama koje su pod kontrolom Univerziteta; alkoholna pića

- se mogu konzumirati samo u prostorijama i prilikama kada je to izričito odobreno od strane ovlašćenih lica Univerziteta;
- prodaja, distribucija ili upotreba opojnih droga u prostorijama Univerziteta, odnosno površinama koje su pod kontrolom Univerziteta;

- dolazak na predavanje ili druge oblike akademskih aktivnosti u alkoholisanom stanju ili pod uticajem opojnih droga.

STANDARDI PONAŠANJA U PROSTORIJAMA UNIVERZITETA

Nije prihvatljivo sljedeće ponašanje studenata:

- onemogućavanje ulaza, izlaza ili ometanje upotrebe objekata Univerziteta;
- namjerno proizvođenje buke ili korišćenje sredstava koja izazivaju buku koja ometa nastavni proces ili krši privatnost drugih lica;
- ometanje organizovanih i prijavljenih događaja koja se odvijaju na mjestima koja posjeduje, koristi ili kontroliše Univerzitet;
- ometanje bilo kojeg člana univerzitetske zajednice u obavljanju dužnosti;
- nepoštovanje rada studentske službe, biblioteke, studentskih organizacija, rekreativnih centara i drugih objekata u sastavu Univerziteta.

SIGURNOST I ZAŠTITA LICA I IMOVINE UNIVERZITETA

Povredom ovog Kodeksa smatraće se:

- namjerno oštećivanje ili uništavanje imovine Univerziteta;
- unošenje vatrenog i hladnog oružja, eksplozivnih naprava, opasnih hemikalija i supstanci bez odobrenja ovlašćenih lica;
- iznošenje netačnih informacija sa ciljem lažnog uzbunjivanja članova univerzitetske zajednice (lažna prijava o podmetnutoj bombi npr.)
- namjerno ometanje ili onemogućavanje rada informacionog sistema Univerziteta (unošenje virusa, izazivanje poremećaja u radu programa itd.)

POŠTOVANJE PRAVILA DISCIPLINSKOG POSTUPKA

Nije prihvatljivo:

- neodazivanje na pozive koji se odnose na sprovođenje disciplinskog postupka;
- zloupotreba ili uništavanje podataka ili lažno svjedočenje pred Komisijom, dekanom ili Senatom Univerziteta;
- namjerno iniciranje disciplinskog postupka bez stvarnog uzroka;
- sprečavanje ili pokušaj sprečavanja učešća drugog lica u disciplinskom postupku;
- namjerno pomaganje ili podstrekivanje drugog lica da ometa disciplinski postupak;
- uticanje ili pokušaj uticaja na nepristrasnost organa koji sprovodi disciplinski postupak.

POMAGANJE, PODSTREKIVANJE I POKUŠAJ

Pomaganje, podstrekivanje ili podsticanje druge osobe u činjenju neke radnje koja se smatra povredom ovog Kodeksa, zahtjevanje, traženje, ohrabrivanje ili unajmljivanje druge osobe da izvrši povredu ovog Kodeksa, pokušaj izvršenja radnje koja predstavlja povredu - smatraće se povredom ovog Kodeksa.

Broj: 374/11

Datum: 20.07.2011.

PREDSJEDNIK SENATA
Prof. dr Desanka Trakilović,
rektor Univerziteta
